



PATHIEN VAIHOMNA BULPHU



“Chutah chun gul chu
 numeinu chung a chun
 alunghang in, amanu chilhah
 Pathien thupieh nit leh Jesu
 thu hettuohsah jop
 amohchengse chutoh
 kisat ding in akuondoh
 tan ahi”

(Thuphuon 12:17)

I
 "Não farás outros
 deuses diante de Mim."
 II
 "Não farás para ti
 imagem de escultura."

III
 "Não tomarás
 o nome do Senhor
 teu Deus em vão."

IV
 Lembra-te do dia
 do sábado para
 o santificar."

V
 "Honra teu
 pai e tua mãe."

VI
 "Não matarás."

VII
 "Não adulterarás."

VIII
 "Não furtarás."

IX
 "Não dirás
 falso testemunho."


X
 "Não cobiçarás."



Leisiet leh avel lah thilsiemho umdol ivet tieng, luongdiel a Pathien dan siem ajuisuoh u muthei ahi. Vetsahnan, ahingthei jouse'n khanlet le pilhin dan umsa chu ajui chieh ui. Leisiet hatah a kipei pum a nisa avel jing lai hin jong leisiet chung umho alethaanglouna din dan ajui kit in ahi.

Pathien in eiho chonna Dan jong asiem in, hiche leisiet cheng mite leh vanmun dang cheng achate leh vantilte gei chonna Dan akoipieh chieh e.

Pathien in chung le nuoi a thilsiem jouse lungsung ah Ama Dan akoilutpieh chieh e (Rom. 2:15). Ahin, chonsietna'n hiche Dan chu asupol tan ahi. Hijieh chun Pathien amatah in a awgin leh khutsut a hiche Dan chu eiho eihung pieh u ahi (Deut. 4:13).



Dan:



Van Houbuh a kimu Dan.



Tuonsot a um jing Dan.



Sabbath:



Sabbath ipi tina hin tem?



Sabbath leh phaath kichaina.



Dan, Sabbath leh Pathien hou.

DAN

I

II

III

IV

V

VI

VII

VIII

IX

לא תהיה לך אשה נוספת
אשר יבנה עליה בית
אשר יבנה עליה בית
אשר יבנה עליה בית
אשר יבנה עליה בית

לא תהיה לך אשה נוספת
אשר יבנה עליה בית
אשר יבנה עליה בית
אשר יבנה עליה בית
אשר יבנה עליה בית

VAN HOUBUH A KIMU DAN

"Chuin van a um Pathien hou inn munthieng chu akihong in, chule ahou-inn munthieng sung a chun kitiapna thu thingkuong chu akimu'n ahi" (Thuphuon 11:19a)



John chun van houbuh kihon amu'n, asung a kitiapna thingkuong jong amu'n ahi (Rev. 11:19). Van houbuh thingkuong chu hiche nikho gei a kiselgu ahi dem? Hiche gao thilmu vetsah ipi hin tem?

Hiche gao thilmu hetthiemtheina din leisiet a um houbuh leh houbuh kilhaina umdol ivetchil u angai e.

Houbuh a kitiapna thingkuong chu kumlung a "kiselgu" bang a um ahin, Kithoidam Nikho tiengle bou "muthei" a hung umji ahi (Lev. 16:2, 12-13).

Hiche nikho chu thutan nikho ahin, chonsiet suhmang nikho ahi (Lev. 16:30).

John gao kimusah chun Bung 11 na (kum jabi 19 sung a Pathien thu muntin athaan jou chun) van ah thutanna akipan pai tai ti ei hetsah thei uve.

Leisiet houbuh bang in, van houbuh thingkuong sung a chun eiho chungthu kitanna ding Thupieh 10 chu aum in ahi. Hiva chun hepi touna, Pathien hepi vetsahna, Jesu Christa thisan in eiho chonsiet aliekhuna mun, jong chu aum e (1Pt. 1:18-19; 1Jn. 2:2; Ps. 85:10).




TUONSOT A UM JING DAN

“Keima danthu leh thiemgaoho thu sumang ding a hung in nei ngaito hih un; asumang a hung hilouvin, asubulhit ding joh a hung kaihibouve” (Matthew 5:17)



Tukhang hin Jesu'n thingpel chung ah Thupieh 10 asumang tai ti a kisei jah ding atam l'eh e. Ahin, reformer hon hiti chun thuhil ananei po uve, Bible sei dan jong ahi dieh poi. Thingpel a chun leisiet houbuh dan le kilhaina dan jouse kichai ahitai, ahin ase-apha thudol hetna vang kichai nailou ahi (Eph. 2:15).



Pathien Dan tuonsot a ding jing ahi, abei ding phaata umlou, chamkim, chuleh Pathien siemsa amite jouse jui dia kipe chu ahi (Ps. 19:7; 119:142; Rom. 7:7, 12, 16, 22, 25; 1Jn. 3:4).

Atah mong in Pathien Dan hin ama hina cheng atahlah ahi jieh chun kichai tih neilouva ding jing chu ahi.

Pathien hina le chonchan

“Adih leh adih a thutanna chung a nalaltouna akido'n (ahi)”
(Ps. 89:14a)


“Namasang ah lungsiet longlou le kitahna alamkai e”
(Ps. 89:14b)

Pathien Dan

“Nathupieh aboncha'n adih suohkei e”
(Ps. 119:172b)

“Na danthu akitah jing e”
(Ps. 119:142b)

SABBATH




SABBATH IPI TINA HIN TEM?

“Cholngah nikho chu athieng a nanit ding in geldoh jing jieng in” (Potdoh Bu 20:8)

Thupieh lina chun cholngah ni nit ding jieh ni ape’i: ajieh chu Pathien siem ihi uve (Ex. 20:8-11); chuleh alhatdohsa ihi uve (Deut. 5:12-15).

Kah khat sung Sabbath hung lhun tieng Siempa vahchoi phaata ahung kihongji’n, ahuhhing ngailut umje gelkhomna phaata eipe un, Thilsiem Thah mun a amatoh lhatkhom ding ei teppieh u jong ei thahgeldohsah kitji uve. Hiti a Sabbath iman tieng u leh Pathien akuon phattheina nikho hungsuohji ahi.



Alangkhat ah, amatoh ikikhen jou un Pathien ngailutna sang tah chun kikhenpi pai pai ding aphalpoi ti eimusah ui. Hiche nikho hi choldo ding vetsah ahin, natoh vetsah ahipoi; lungsiet vetsah ahin, danjui bukipna vetsah ahipoi; ama a bitna ichan u vetsah ahin, thiemmo chan vetsah ahipoi; eihuhdoh diuva Pathien ibel u vetsah ahin, eimaho kilodohsa natoh ga vetsah ahipoi.

Choldoni init u chu Pathien ikilhenjoh u leh amabou hou ding inop u vetsah ahi.

SABBATH LEH PHAAT KICHAINA

“Chuleh sahiem lim chun thu aseitheina ding a, chule chu che sahiem lim chu ahoulou jouse akithatheina ding a, ama chun sahiem lim sung a chu hinna hu akhum ding, hichan gei a chu thaneina kipe a ahi.” (Thuphuon 13:15)

Thuphuon bung 13 hin Satan in mite Pathien a kuon lhepmang theina dia thaneina chuom chuom ahin man ding ase i. Hiche bung a hin koi houva um ding ham ti thu akihasei pen e (Rev. 13:4, 8, 12, 15).

Thaneina khat aminphah jong Daniel 7 a ki-neo, dan leh phaath hinkhelgo ding kitikhu toh, kisamkaina nei ahi e (Rev. 13:5; Dan. 7:25 – Iha 42 kiti jong khu phaath khat, phaath ni leh phaath kehkhat kiti toh kibang ahi).



Hiche thaneina hin Thupieh Nina (milim hou) asuhmang ahin, Thupieh Lina (Pathien houna nikho) jong akhel lamdang in, nikho thieng chu Saturday akuon Sunday ah achuondoh tan ahi.

Phaath kichai mong mong tieng leh mite chu nop le da kibang a “milim” housah a um diu, choh le juoh akhappieh diu ahi (Rev. 13:14-17). Hiche “sahiem melchihna” kiti hi Pathien thusah Saturday nikho pel a, mihiem thusah Sunday nikho joh nit ho vetsahna a kisei ahi.





DAN, SABBATH LEH
PATHIEN HOU

«Ama chun aw nasatah in asam in, "Pathien ging un, aloupije chu vahchoi un, ajieh chu athutan avaihom phaata ahung lung tan ahi; chule van le lei, tuikhanglien, tuinah jouse, hichengse siem a chu houvun, chibai un" ati» (Thuphuon 14:7)



Ni nunung thusap-lhethum kism chu hou leh chibai buoh thudol ahi, hijieh chun Sabbath leh Pathien Dan toh kismkai ahung hi.

**Thusap
masa**

Thuphuon 14:6-7

Thutanna a ding ding a kiguotna (Pathien Dan thutanna bulphu ahi), chuleh Siempa hou ding (Sabbath in ei geldohsah kit ji bang un).

**Thusap
nina**

Thuphuon 14:8

Pathien houdan dihluo kihilna akuon kiheimang ding.

**Thusap
thumna**

Thuphuon 14:9-11

Koi joh iti hou ding ham ti thulhuh kisiem ding: Pathien leh a Sabbath, melma leh amelchihna, hoi joh ikilhen diu ham?



Ni nunung a dingdette kihetna jemni akisei e: Pathien thupieh anit un, Jesu tahsan anei ui" (Rev. 14:12).

Hiche phaata dengdel lai tah hin thupieh nitjoutheina dia mithiengte ngaichat chu- Jesu tahsanna chu ahi, suhliinghuoi hilou, thuhtah, kismkaijing leh liekhujou hilou chu.

“Vannuoi pumpi’n Sabbath ananitkhom dildel hi leh mihiem lunggel leh lungngai chun Siempa chu ja leh hou lom tah ahi ahetdoh jieng thei ding ahi. Chuti leh milim hou, Pathien um tahsanlou, Pathien tahsan lampi a kuon petdoh tiho umlou ding anahi. Sabbath nit hi Pathien dihtah, van le lei, tuikhanglien leh tuinah jouse Siempa Pathien, lang kai ihi u melchihna khat ahi. Mihiemte hieng a thusap khohtah kism, Pathien houva, athupieh nit dia thusap kism chun athupieh lina jong nit tei dia ei sapkhum u ahi.”

EGW (The Great Controversy, pg. 437)